

CAPUT XXVII. CONSERVAE.

CONSERVA PRUNORUM.

℞. Prunorum damascenorum quantum volueris.

Coque in aqua ad mollitiem. Pulpam per setaceum equinum trajice, et ad mellis consistentiam in balneo aquoso vapore. Hujus Pulpae libris singulis ad misce
Sacchari albi pulverati libras duas.

CONSERVA ROSARUM RUBRARUM.

℞. Petalorum Rosarum Rubrarum recentium, nondum penitus explicatorum, et ab unguis mundatorum libram unam,
Sacchari clarificati, et ad Syrupi crassioris spissitatem cocti libras duas.

Contunde petala diligentissimè in mortario lapideo, Syrupo admisce, et igne leni humiditatem ad debitam consistentiam vapore.

Dosis ab uncia semis ad unciam et semis.

Sic fit Conserva

Violarum, et similium.

ff 2

CONSERVA HEDERAE TERRESTRIS.

℞. Foliorum Hederæ terrestris recentium, mundatorum libram unam,
Sacchari albissimi pulverati libras duas.

Hederam in mortario marmoreo pinsito, addendo, si opus fuerit, aquae pauxillum ut fiat massa mollis, et tenuissima: postea adde Saccharum fortiter contundendo, et exactè mixtis, serva ad usum.

Dosis ad uncias duas.

Simili modo fit Conserva

Capillorum Veneris, et similium.

CONSERVA COCHLEARIAE.

℞. Foliorum Cochleariae recentium, et mundatorum libras duas.

In mortario marmoreo pistillo ligneo contundantur diligentissimè, ut fiat pasta mollis; postea adde

Sacchari albissimi pulverati libras quatuor,

Fiat omnium pasta tenuissima, quæ ad usum vase vitreo servetur, et tantisper Saccha-

ri albissimi pulverati irroretur ne mucescat.

Simili modo parantur Conservae

Lepidii,

Scordii,

et similia.

N. B. Conservam Cochleariae, aut Lepidii pro Syrupo Sceletyrbico serva, si fortè illum ex tempore conficere tenearis.

CAPUT XXVIII.

ELECTUARIA

ET CONFECTIONES.

ELECTUARIUM FOLIORUM SENNAE COMPOSITUM.

(Catholicum commune.)

℞. Radicis Polypodii mundatae, et contusae
uncias sex.

Coque in Aquae libris decem ad mollitiem,
addendo paulò ante finem

Foliorum Malvarum unciam unam.